

(4)
**DE PILATO
CHRISTI IVDICE**

DISSERTATIO

MICHAELIS LEGGII

**IN REGIO ARCHIGYMNASIO
NEAPOLITANO**

**PUBLICORVM IVDICIORVM
ANTECESSORIS.**



NEAPOLI MDCCLXXIX.

TYPIS VRSINIANIS.

SVPERIORVM FACVLTA TE.

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.



NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

THE NEW YORK PUBLIC LIBRARY

VIRO ILLUSTRISSIMO
D. MATTHÆO JANVARIO
TESTÆPICCOLOMINI
REGIO SACRORVM PRÆSVLI
REG. ARCHIGYMNASIO NEAPOLITANO
PRÆFECTO.

MICHAEL LEGGIUS



Pusculum hoc meum,
P^{RAESVL ILLUSTRISIME,}
qualecumque sit, Tibi inscri-
bo. Nam, quum ejus argu-
men-

mentum sit publica vis a Procurato-
re Caesaris illata JESU-CHRI-
STO summo Sacerdoti, quum-
que id scripserim, publice in Re-
gio Archigymnasio meis auditori-
bus dictaturus, non meliorem si-
bi poterat patronum conquirere,
quam TE, qui & eidem Archi-
gymnasio praees, & in Regno
omnes non tantum secundos, sed
& primos Sacerdotes honore,
& dignitate antecellis; namque
unus es, quem OPTIMUS REX
NOSTER consulit in ecclesia-
sticis negotiis absolvendis. Ac-
cipe, quaeso, quod Tibi omni
jure debetur, quodque Tibi in-
scriptum volui in solam observan-
tiae animi erga Te mei signifi-
cationem. Bene vale.

LECTORI

MICHAEL LEGGIVS

S.



Issertatio de Pilato Christi Judice diu promissa nunc primum absoluta in lucem prodit. Ea tota est in enarrando publicorum judiciorum ordine, & in exponenda exercitatione quaestionis majestatis de Christo habitae. In utraque re testes laudo, prout occasio exposcit, Latinos Scriptores Augusto atque Tiberio aequales, sub quo fuit Christus supplicio adfectus: laudo etiam fragmenta Jurisconsultorum, quae nobis exhibent Pandectae. Scio Jurisconsultos istos longe post Tiberium floruisse, ac proinde non esse testes idoneos; sed quum in Pandectis, uti cuique legenti patebit, vetus & novum jus

jus continetur, quumque Jurisconsulti no-
vum jus pertrattantes ejus expresse memi-
nerint, existimaui laudare ea fragmenta,
quibus, quum nulla mentio fiat juris re-
center conditi ab aetate Tiberii, vetus
jus tradi non ambigitur. Hoc volebam
nescius ne esses. Vale.

RE-

*Reverendissimus Dominus P. D. Salvator Spinelli S. Th.
Professor reveideat, & in scriptis venerat, Die 1. Junii
1778.*

J. J. EP. TROJAN. V. G.

JOSEPH ROSSI CAN. DEP.

EXCELL. DOM.

EXcellentiae Tuae jussis, ut par est, morem gerens, lu-
bens legi librum, cui titulus *De Pilato Christi Judice*,
& de illius quidem Auctoris ingenio, & eruditione quam-
vis luculenter doceant Adnotationes ad Antonium Mat-
thaeum, praelectiones, quas habet quotidie in Neapolitana
Academia, aliaque, quoad sciam, monimenta; attamen
dicere non dubitarim palmam caeteris praeripere opuscu-
lum isthoc, in quo se vere Romanum Jurisconsultum fate-
tur, & legum theoriae quonam modo servari debuissent in
praxi egregie commonstrat; Dum enim inique gesta per
Pilatum in Christi morte recenset, accersita Romanae, &
Hebraicae Historiae face, diserte ostendit in quas peculia-
res leges commiserit impius Judex, eumque Juris universi
violatorem evincit. Nullam Auctor intert Religioni, mo-
rumque probitati labem, quin Religionem ipsam cum Cri-
tica, & doctrina copularit. Dignum propterea opus arbi-
tror, quod in lucem prodeat, ni secus censuerit Excell.
Tua, cui me profiteor addictissimum. Datum Neap. Ex
aediis SS. Severini, & Sossii postridie Idus Julii anni 1778.

EXC. TUAE

*Obsequentijs. atque Addictiss. Famulus
P. Salvator Spinelli Reg. Prof.*

*Attenta relatione Domini Revisoris imprimatur. Datum
die 8. Septembris 1778.*

J. J. EP. TROJAN. V. G.

JOSEPH ROSSI CAN. DEP.

Adm.

*Adm. Rev. D. Nicolaus Ignarra in hac Regia Studio-
rum Universitate Professor revideat autographum enunciati
Operis, cui se subscribat, ad finem revidendi ante publica-
tionem, num exemplaria imprimenda concordent, ad for-
mam Regalium Ordinum, & in scriptis referat. Dat. Neap.
die 25. mensis Maji 1776.*

MATTHÆUS JAN. ARCHIEP. CARTH. C. M.

S. R. M.

Suprascriptum Opusculum a Cl. Collega meo docte accu-
rateque elucubratum, cum nihil habeat, quod Regiis
Juribus adverletur, typis edi posse censeo. Neap. VIII.
Kal. Octob. 1777.

Nicolaus Ignarra.

Die 24. mensis Novembris 1777. Neapoli.

Viso Rescripto Suae Regalis Majestatis sub die 22. curren-
tis mensis, & anni, ac relatione Reverendi D. Nicolai
Ignarra de commissione Reverendi Regii Cappellani Majoris,
ordine praefatae Regalis Majestatis.

Regalis Camera Sanctae Clarae providet, docernit, atque
mandat, quod imprimatur cum inserta forma praeferentis sup-
plicis libelli, ac approbationis dicti Reverendi Revisoris;
Verum non publicetur nisi per ipsum Revisorem facta iterum
revisione affirmetur, quod concordat servata forma Regalium
Ordinum, ac etiam in publicatione servetur Regia Pragma-
tica: hoc sum.

SALOMONIUS.

PATRITIUS.

Vidit Ficus S. R. C.

Illustris Marchio Citus Praefes S. R. C. & ceteri Specta-
biles Aularum Praefecti tempore subscriptionis impediti.

Reg.

Carulli,

Athanasus,

INter exempla immanitatis, et injustitiae, quae historiae proferunt, nullum occurrit tam memorandum, quam illud quod est proditum ab Evangelistis de humani generis Salvatore JESU CHRISTO, qui, et si nec in religionem, nec in rempublicam aliquo modo peccasset, fuit tamen publicis injuriis adfectus, ac favore turbulenti populi ab iniquo judice Pilato durissime tormentis cruciatus, et tanquam adfectati regni, seditionisque reus infami cruci suffixus. Hanc sacrae historiae partem, quae a doctissimis Interpretibus, et philologicis notis, et perpetuis commentariis est satis superque exornata, pro viribus illustraturus, id praecipue agam, ut quaestio Majestatis, quam Pilatus de Christo habuit, quamque ex Romanis Legibus, et secundum ordinem publicorum judiciorum exerceri oportuit, pro dignitate enarretur.

Operis initium sumi oporteret ab ea historiae parte, qua coepit Pilatus esse Christi judex; sed postulat res, ut aliquid praedictam, licet perfusorie, ne in legum Hebraeorum scopulum offendam, de Sacerdotum, et procerum gentis judaicae consilio Christum, ut

violatorem religionis, interficiendi. Impiis et scelestis illis hominibus suum consilium quoquo modo exequi intentis adest ipsius Christi discipulus, ac proditor Judas pollicens magistrum tradere, et ut promissa servaret, venit illuc, quo Christus convenire solebat, secum ducens et ministros, quos acceperat a Judaico Senatu, et cohortem. Scio cohortes partes fuisse romanarum legionum, quas Magistratus in provinciis habebant, vel ut compescerent provinciales, vel ut occurrerent hostibus: scio etiam potuisse Judam praefecto habere cohortem, quoniam haec ad sedandos tumultus, qui forte concitarentur a multitudine undique conveniente ad festum Paschatis, quod tunc Hierosolymis celebrabatur, erat per porticus disposita; Sed non video qui potuerit cohors Judae voluntati obsequi non jubente Pilato. Pilatum jussisse petente Juda opinatur Goefius (1). At quoniam vix credere possum Magistratum romanum arbitrio privati hominis concessisse cohortem, potius inclinarem in sententiam Merillii (2) existimantis Judaicum Senatum per suos Ministros retulisse Pilato, Christum seditiosum esse,

(1) *In Pilat. Judic.*

(2) *In Not. ad Joann. Cap. XVIII. v. 3.*

esse, ac proinde per eosdem ad eum comprehendendum petiisse cohortem. Verum ab hac sententia libenter discedo ea ratione, quod si de crimine seditionis ageretur, in quo nullae erant Judaici Senatus partes, Christus sane sine opera, et sine ministris illius Senatus, jussu solius Pilati, et a sola cohorte comprehensus fuisset, ac ductus ad ejus Praetorium, non vero ad Caipham Pontificem. Facit haec ratio, ut credam Judaicum Senatum, cui jus erat damnare religionis violatores, petiisse a Pilato cohortem ad compescendum populum, ne auderet Christum novae religionis auctorem eripere e manibus suorum ministrorum, si eum forte comprehendissent. Comprehensus Christus, et in vincula coniectus, vel quod mos erat Judaeorum comprehensos reos vincire, vel quod Judas jam ante monuerat lictores, ut comprehensum Christum vincirent, ne inconspicuus quod saepius fecerat, elabere-
tur, statim ducitur ad Judaicum Senatum, qui pro Tribunali sedens coepit judicium exercere; sed nescio quale? Etenim non adhuc fuisse Christum aliquo crimine postulatam fat probat Judaici Senatus sollicitudo quaerendi testes crimen aliquod capitale ob-
jicientes: et quanquam inter multos ultro-

4
neos, ac discrepantes testes duo adfirmassent
audivisse Christum dicentem se posse tem-
plum demoliri, dissolutumque triduo refice-
re, non potuit tamen Senatus Christum da-
mnare, vel quod objectum crimini, utpote
vera jactatio, capitale non erat, vel quod
Christus, et si monitus a Pontifice illi testi-
monio non respondens, non poterat ex Ju-
daica Lege damnari (1). Haec sane ani-
mo reputans Pontifex Maximus Senatus
Praeses sperans ex ore ejus responsuri elicere
aliquid quo damnare potuisset, non semel,
sed iterum interrogat eum: et primum in-
terrogat de doctrina, et discipulis suis; sed
quoniam Christi responsio suam doctri-
nam posse facile percipi ex iis, qui se in
templo, non autem in abdito loco docen-
tem audierant, nihil poena dignum contine-
bat, Pontifex eum iterum addita jurisjuran-
di religione interrogat, num filius Dei esset,
et quum Christus responderit ipsissimum esse,
habitus fuit pro blasphemo adeo insigni, ut
idem Pontifex exclamans non amplius opus
esse testibus prosciderit sive jure, sive inju-
ria,

(1). *Judaeorum Lex, uti scriptum est apud Joann. Cap. VII. v. 51.*; non judicabat hominem, nisi prius au dierit ab ipso, & cognoverit quid faciat.

5
 ria, ut doctiores disputant, vestimenta sua,
 et prolatam blasphemiam tanquam notorium
 crimen coram Iudicibus admissum, magni
 faciens, conversus ad totum Senatum, quasi
 singulos in consilium mittens interrogat quid
 videbatur? Interrogationi omnes respondent
 Christum esse morte dignum: et tunc Judai-
 ci ministri manu aperta, et alii contracta
 manu percutere, et inspuere coeperunt in
 faciem ejus quasi damnati. Haec omnia a
 Judaico Senatu noctu peraguntur, et pera-
 guntur pridie Sabbati, et eadem nocte, qua
 Christus comprehensus fuit, contra Judaicam
 Legem, quae capitalia iudicia nec pridie
 Sabbati, nec noctu exerceri jubebat (1).
 Prolatam sententiam Senatus, qui multum
 in ea re metuebat a populo, non audens
 per se exequi, operae pretium duxit Chri-
 stum a se damnatum ducere vinctum ad
 Pilatum, ut in eum lege ageret. Erat Pila-
 tus

(1) *Lex ita scripta erat: Iudicia pecuniaria agi-
 tantur de die, et absolvuntur de nocte; Iudicia ca-
 pitalia agitantur de die, et absolvuntur de die. Ju-
 dicia pecuniaria deciduntur eodem die in quamcum-
 que partem; Iudicia capitalia deciduntur eodem die
 si sententia absolutoria est; sed postridie, si conde-
 mnatoria. Quare non exercentur nec pridie Sabbati,
 nec Felli. Codex Sanhedr. cap. 4. §. 1.*

tus Judaeae Procurator, ut eum appellat primum Luca Evangelista (1), et deinde Tacitus (2), qui de Christiani nominis auctore agens, sic habet, *Auctor ejus nominis Christus, qui Tiberio imperante per Procuratorem Pontium Pilatum supplicio adfectus est.* At si Pilatum ponam Judaeae Procuratorem, non video cur potuerit de Christo supplicium sumere. Procuratores enim, qui plerumque vel equites, vel liberti, ab Augusto instituti, et in provincias missi ad colligenda tributa, et fiscalia jura tractanda, jurisdictionem non habuerunt usque ad tempora Claudii, sub quo, ut idem Tacitus (3) refert, ex Senatusconsulto juris dicundi potestatem obtinuerunt in solis causis fiscalibus pecuniariis; nam in publicis judiciis non alias partes habebant, nisi damnatorum bona fisco vindicare. Faciunt haec omnia ut Evangelistae Matthaeo adsentiar qui Pilatum Praefidem dicit. Verum mihi persuadere non possum in re tanti momenti et Lucam, et maxime Tacitum, cui magistratum romanorum munus erat satis perspectum, aber-

-
- (1) *Cap. III. v. 1.*
 (2) *Lib. XV. Ann. cap. 44.*
 (3) *Lib. XII. Annal. cap. 60.*

aberrasse. Sed et eos non aberrasse; imo belle cum Matthæo convenire satis constat, si animo reputemus romanarum provinciarum rationem, quæ huc credit. Provinciae vel erant majores, vel minores, inter quas est sane recensenda Judæa, quæ parva erat Syriæ regio (1). Majoribus ad quietem procurandam sive Proconsules, sive Praefides, et ad fisci jura tuenda praeerant Procuratores: Minores vero solis Procuratoribus cohibebantur (2), qui quoniam utrumque munus gerebant dicti fuerunt Procuratores vice Praesidum, uti dicuntur in Libris juris (3), vel ut habent veteres Tituli apud Salmasium (4); *Procurator et Praefes*

Al,

(1) Judæa regio Syriæ meridionalior, parva, sed nobilissima, quæ antiquissimis temporibus dicta fuit Terra Chanaan, postea Terra promissionis, & Palestina. Tempore Romanorum dicta fuit Judæa, quæ Christi aetate divisa fuit in partes sex, in Galilaeam, Samariam, & Judeam proprie dictam, quæ cis Jordanum fluvium, & ad Mare Mediterraneum, & in Thraconitidem, Ituream sive Peream, & Idumaeam. Ita Ferrarius in *Lexic. Geograph. l. Judæa*.

(2) Duæ Mauritaniae, Rhaetia, Noricum, Thracia, et quæ aliae Procuratoribus cohibebantur. *Tacit. Lib. I. histor. Cap. II.*

(3) *Vid. LL. in Tit. C. Ubi causæ fiscal.*

(4) *Ad Spartian. in Hadr. cap. 12.*

Alpium: Procurator et Praefes Sardiniae.
 Quod descripti Tituli praeponunt Procurato-
 rem Praefidi, et Imperatorum rescripta in
 libris Juris congesta minorum provinciarum
 Magistratus appellant Procuratores vice Prae-
 sidum, non abs re erit dicere Procuratoribus
 accessisse munus Praesidium, non autem his
 fiscalium rerum administrationem. Quum
 igitur minoribus provinciis praessent Magi-
 stratus duplici munere, et titulo honorati,
 jam patet Pilatum, qui non alio titulo nisi
 Procuratoris, et Praefidis imperitavit Judaeae,
 recte a Matthaeo ab adjuncto munere Prae-
 sidem, et magis proprie a Luca, et Tacito
 a pristina, et praecipua dignitate Procura-
 torem dictum.

Ad Pilatum igitur Judaicus Senatus Chri-
 stum tanquam damnatum reum duxit vin-
 ctum; sed ne pollueretur non ausus fuit Prae-
 torium ingredi (1), et ex Praetorio ei ob-
 viam

(1) Quod initio Magistratus, qui exercitui praerant,
 dicebantur Praetores, hinc factum, ut eorum castrense
 tabernaculum Praetorium diceretur; sed postea Praeto-
 ri nomine designabantur aedes destinatae habitationi
 Praesidum in provinciis; aedemque aedes, si amplae
 fuissent, aala dicebantur, & sane eo nomine indigi-
 tatur a Marco cap. 15. v. 16. Praetorium Pilati,
 quod erat aeda amplum, ut universa cohors ibi conve-
 nerit ad Christum flagellis adficiendum.

viam procedenti Pilato, ac quaerenti quodnam esset crimen, ejus insimularetur ille vinctus, satius duxit nullo objecto crimine respondere malefactorem esse. Responsio quidem illegitima, quoniam ex Legibus romanis opus erat accusatori exprimere Legem, in quam reus commisisse videbatur (1): quod quum scisset Pilatus sapienter reposuit posse Judaicum Senatum judicare eum secundum patrias leges, quas, modo ad religionem pertinerent, Romani usque a Julio Caesare Judaeis incolumes servarunt (2). At Senatus, quum non posset suis legibus uti, quod valde timebat, ne Christus favore populi, quo pollebat, solutus, et liber abiret, conceptum metum obtendens sub colore sibi non licere aliquem interficere, instanter flagitavit, ut Christus jam damnatus e vivis tolleretur. Sed quum nihil a Pilato impetrare potuisset, in ea caussa fuit, ut ex Legibus publicorum judiciorum nomen ejus deferret, dicens Christum esse gentis perver-

B

so.

(1). Apud Confidium Quaestorem Lege Plautia de vi accusarat subscriptione ea, quod loca occupasset, et cum telo fuisset antesignanus operum Milonis. *Afcon. in Milon.*

(2) *Joseph. Antiquit. Judaic. Lib. 14. cap. 17.*

forem , prohibere Caesari tributa solvi , ac
 jactare se Regem esse. Accusatores isti, quod
 Christum, ut bene noverat Pilatus , per in-
 vidiam tradidissent, erant, teste Paulo (1), pro-
 pter calumniae suspicionem omnino repel-
 lendi , vel saltem judicio divinationis erat
 ex illis unus eligendus qui accusationem per-
 ageret. *Si plures existunt*, inquit Ulpia-
 nus (2), *qui in publicis judiciis accusare vo-*
lunt, Judex eligere debet eum qui accusat,
caussa scilicet cognita, aestimatis accusatorum
personis, vel de dignitate, vel ex eo quod
interest, vel aetate, vel alia justa de causa.
 Jure igitur inter tot accusatores erat eligen-
 dus Caiphas ceteris aliis, quod Pontificatum
 Maximum gerebat, dignior. Electo accusa-
 tore, erat ex more dicendus a Pilato dies,
 quo in jus venirent Caiphas (3), et Chris-
 stus (4), atque eo die utrisque in jus ve-
 nientibus, Caiphas adactus prius jurejurando

(1) *L. 9. de accusat.*

(2) *L. 16. eod.*

(3) Et quum L. Cassius Praetor, decimo die,
 uti mos est, adesse iussisset accusatores. *Ascon. in*
Cornelian.

[4] Sthenii nomine delato Verrem edixisse, ut
 Kalend. Decembr. Sthenius adesset Syraculis. *Cic.*
Lib. II. in Verr. cap. 38.

calumniam omnino abesse (1), et deinde Christum ei dicentem, *Quid ais, ecce sisto me* (2), Lege interrogare debebat (3) ea formula *Tibi perduellionem judico* (4). Proposita ad hunc modum accusatione, intererat videre, num Christus adfirmaret, vel taceret, an negaret; nam adfirmantem, vel tacentem pro victo haberi in dubium non venit: quod si negasset, tunc accusator (5) libellum dare cogebatur suo nomine subscriptum, quo calumniatorum poenae obstringeretur (6); et

B 2

for-

[1] Si velut accusatores calumniam in eum jurerent, nomenque deferrent. *Liv. Lib. XLIV.*

[2] *Sigon. de Judic. cap. 10.*

[3] Et ipse Lege Plautia interrogatus erat a L. Paulo. *Sallust. in bell. Catilinar. cap. 18.*

[4] *Qui atrocissimum crimen majestatis deserebant perduellionem judicare dicebantur.* Rutilium Tribunum plebis, inquit *Livius Libro XLIII. cap. 16.*, se perduellionem judicare dixisse, diemque Comitibus a Praetore Urbano petiisse.

[5] Quum in jus ventum esset, dicebat accusator ad Praetorem reo: Ajo te Siculos spoliasse: si tacuisset, lis ei aestimabatur ut victo; si negasset, petebatur a Magistratu dies inquirendorum ejus criminum, et instituebatur accusatio. *Aecon. in divinat.*

[6] Si cui crimen objiciatur, verba sunt *Ulpiani L. 7. pr. de accusat.*, praecedere debet in crimen subscriptio: quae res ad id inventa est, ne facile quis profiliat ad accusationem, quum sciat inultam sibi accusationem non futuram.

formam libelli talem esse oportebat, *Apud Pilatum provinciae Procuratorem Christo perduellionem judico, quod Judaicam gentem pervertit, quod Caesari tributa solvi prohibuit, et quod se Regem fecit in Judaea mense illo, Consulibus illis* (1). Ita delato Christi nomine, quoniam erat in potestate Pilati illud non recipere, poterat accusator postulare ut reciperetur (2): eoque recepto, erat a Pilato constituendus dies vel decimus, vel tricesimus (3), quo Caiphas, et Christus iudicio adessent, et ex eo die Christo, qui esse in reatu incipiebat, sumta sordida ac obsoleta veste (4) licebat sibi patronos conqui-

re-

[1] Libellorum inscriptionis, inquit Paulus *L. 3. pr. de accusat.*; conceptio talis est: Consul, et dies, apud illum Praetorem, vel Proconsulem Lucius Titius professus est, se Maeviam Lege Julia de adulteriis ream deferre, quod dicat eam cum Gajo Sejo in civitate illa, domo illius, mense illo, Consulibus illis, adulterium commisisse.

(2) Postulat nomen recipi, edit subscriptionem occisos Senatores triginta. *Senec. in lud.*

[3] Quaero de te, postularus ne sis Lege Licinia Junia? Edixerit ne G. Memmius Praetor ex ea Lege, ut adesses die trigesimo. *Cicer. in Vat.*

Detulit nomen Publius, subscripsit Gajus, et quum L. Cassius Praetor decimo die, ut mos est, adesse jussisset. *Ascon. in Cornelian.*

(4) Venit postridie in Forum obsoleta veste. *Liv. L. IV. c. 10.*

rere, et Custodes Caiphae adponere observaturos, num ille jure, an dolo malo, et perfordes accusationem instrueret (1). Veniente die, quum molestus accusator Caiphas praesens esset, Christum voce praeconis, citari oportebat, ut et ipse adesset (2); ac utrisque praesentibus objecta crimina erant probanda testimoniis, et legitimo quidem ordine. Primum enim Caiphas, postulare debebat, ut de servis ejus quaestio haberetur (3). At quorum servorum quaestio, si Christus nullos habebat? igitur Caiphae duo tantum testimoniorum genera supererant; testes scilicet, et

(1) A die autem delationis usque in summum diem, quo causa dicenda erat, poterat reus ex Legge adponere Custodem accusatori, qui observaret quae agerentur ab actore, et quomodo accusationem instrueret, ne quid dolo, aut alia via scelerata moliretur (auctor Plutarchus in Catone Uticensi) ut vix quidquam liceret meditari ad accusationem, nisi praesente Custode. *Pollet. Histor. For. rom. Lib. IV. cap. 7.*

[2] Quem is, uti Panormum venit, ad se vocari, et de Tribunali citari iussit. *Cicer. Lib. V. in Verr. cap. 7.*

[3] Nostri majores quum de servis in dominos quaeri nolissent, de incestu tamen, et conjuratione, quae facta me Consule est, quaerendum putarunt. *Cicer. in Partis.*

tabulae: et quantum ad testes, quoniam de crimine majestatis agebatur, eos voluntarios fuisse non patiebatur Lex Julia publicorum iudiciorum, ut Paulus tradit (1); sed evocari necesse erat (2), modo idonei fuissent (3): evocatos testes in jus venientes; et in propriis subselliis constitutos (4), post delatum eis iusjurandum (5), palam et praesente Christo non

[1] L. 4. de testib.

(2) Quum scorta meritoria citari adversus se, et audiri pro testimonio videret. *Sueton. in Claud. cap. 15.*

[3] Testium fides diligenter examinanda est, ideoque in persona eorum exploranda erunt, in primis conditio cujusque: utrum quis decurio, an plebejus sit; et an honestae inculatae vitae; an vero notatus quis et reprehensibilis; an locuples, vel egens sit, ut lucri causa quid facile admittat; vel an inimicus ei sit pro quo testimonium dat: nam si careat suspitione testimonium vel propter personam a qua fertur, quod honesta sit, vel propter causam, quod neque lucri, neque gratiae, neque inimicitiae causa sit, admittendus est. *Callistrat. L. 1. pr. de test.*

(4) Et ne forte me frustra hoc pollicium esse praedices, te te, inquam, Fanni, a tuis subselliis te testem suscitabo. *Cicer. pro Rosc. cap. 13.*

[5] Q. Mutius juratus dicit pecuniam datam: juratus dicit, Timarchidem dixisse majorem ab accusatoribus pecuniam dari. *Cicer. Lib. II. in Verri. cap. 33.*

15

non solum interrogari singulos a Caipha (1) oportebat ea formula, *Quaero ex te, arbitraris ne Christum Judaicum populum pervertisse, Caesari tributa solvi vetasse, sequa Regem Judaeae fecisse* (2); sed et singulos respondere solemni verbo *Arbitror* (3) necesse erat. Quanquam haec omnia olim expectarentur cognitionis die, tamen ex Lege Pompeja, quae jam obtinebat Christi aetate, testes erant per triduum audiendi, eorumque dicta

[1] Tenere debemus interrogationes testium et accusatoris, et defensoris fuisse, et ejus qui produxit, et ejus contra quem producit, *Ascen. Hae Ascenii auctoritate. forte ductus Polletus Histor. For. rom. Lib. IV. cap. 13. tradit opus altercationis in interrogandis testibus totum consumitur, id quod olim fiebat a partibus ipsis; nam & accusator suos ipse testes, & patronos item suos vicissimque alter alterius interrogabat: quod sane fieri non poterat, nisi praesentem reum, ejusque patronum ponamus vide Plinium epistol. Lib. 3. epist. 9.*

(2) *Sente Tempani quaero, arbitraris ne, G. Sempronium Col. aut in tempore pugnam intisse, aut firmasse subsidii aciem. Liv. Lib. IV. cap. 40.*

[3] Primum illud verbum consideratissimum nostrae consuetudinis, *Arbitror*, quo nos etiam tunc utimur, quum ea dicimus jurati. *Cicer. pro Fons.*

dicta a Pilato consignanda. Porro Caiphas ad confirmanda objecta crimina poterat ad Pilatum deferre tabulas conquistas et ob-
signatas, ne corrumperebuntur, ac praecipue illas, quae Christum Regem Judaeae ostendebant, quales erant, veluti leges ab illo latae in Judaea, codicilli, quibus creabantur magistratus, nummi ejus effigie percussi. Probat-
is criminibus in hunc modum, quarto die a Pilato cum testibus, tum Caipha, et Christo omnibus adesse jussis, erat causa agenda (1), datis certis definitisque horis Caiphae ad accusan-
dum, et Christo ad suam innocentiam pur-
gandam (2). Ita quidem erat in judicio pro-

[1] Apud Domitium Quaesitorem de vi Appius acculator postulavit a Milone servos exhiberi numero quatuor et quinquaginta, et quum ille negaret, eos, qui nominabantur, in sua potestate esse, Domitius ex sententia Judicum pronunciavit, ut ex servorum eorum numero acculator, quot veller, ederet: citati deinde testes secundum Legem Pompejam, quae jubebat, ut prius quam causa ageretur, testes per triduum audirentur, dicta eorum Judices consignarent, quarta die adesse omnes in posterum jubentur. *Ascon. in Milonian.*

(2) Observavi, inquit Polletus Lib. I. Cap. II., ita comparatas fuisse Leges temporum praefictorum, ut

cedendum. Sed Pilatus solemnem judiciorum ordinem insuper habens, nullis auditis testibus, nullisque testimoniis perpensis, et sola delatione innixus Praetorium ingreditur, ac Christum quasi reum legitime accusatum, et convictum ad se accitum interrogat, num *esset Rex Judaeorum*, et num *aliquid fecisset*. Utraque interrogatio fuisset quidem legitima, si de criminibus legitime constitisset: et sane fuisse reos de objectis criminibus interrogatos demonstrant quamplurima exempla relata a latinis Scriptoribus (1): et fuisse interrogatos ea formula *Quid fecisti*, satis probat Julianus Jurisconsultus, qui solemnem interrogationis formulam sic proponit, *Eorum quid, quae obijciuntur tibi, fecisti* (2). Interro-
C ga-

ut reus sesquialteras haberet horas ad accusatorem, ut si accusatori sex darentur, reo novem, ut causa, quam egit Plinius. Item in causa Milonis accusator duas, reus tres habuit.

(1) *Inter exempla illustre est illud, quod refert Suetonius de Augusto agens cap. 33. in haec verba, Dixit ius, non diligentia modo summa, sed & lenitate, si quidem manifesti parricidii reum, ne culleo infueretur, quod non nisi confessi adiciebantur hac poena, ita interrogavit, CERTE PATREM TUUM NON OCCIDISTI.*

(2) *L. 13. §. 4. de reb. dub.*

gatus Christus adfirmat se Regem esse; proficitur tamen regnum suum non esse ut caetera mundi regna, sed regnum veritatis. Quod quum intellexisset Pilatus, videns tale regnum simile esse ei quod Stoici sapienti tribuunt, nec quidquam Caesari officere, e Praetorio egreditur, et coram Judaico Senatu, qui ante Praetorium stabat, palam pronuntiavit Christum quovis crimine vacuum. Perculsi sententia isthaec animum Senatus, quod videbat noxa solutum, quem omnino perditum cupiebat; Sed a proposito non desistens coepit iterum objecta crimina exprobrare, et maxime concitationem populi a Galilaea ad Judaeam usque. Ad haec Pilatus, cui jure datum erat reos, non innocentes interrogare, quasi nova, et non eadem crimina fuissent, et quasi Christum non manifestasset innoxium, eum interrogat cur non responderet testibus multa crimina adversus eum objicientibus. At quoniam testes? et quoniam nova crimina? si illi accusatores, non testes, si eadem crimina erant. Faciunt haec ut non videam qui potuerit Pilatus iterum interrogare, quem publice pronuntiavit in nullam legem commisisse. Sed Christus interrogatis, quae facile poterat diluere, maxime quod de illis pro se jam erat pro-

pronunciatum, penitus non respondens, tertium a Pilato, qui audierat eum a Galilaea exorsum, interrogatur de ejus origine, et quum Galilaeus esset, remittitur ad Herodem Galilaeae Tetrarcham, qui tunc erat Hierosolymis ob festum Paschatis. Fecisse hoc Pilatum quidam ajunt ut se se illo periculoso negotio extricaret: quidam vero ut gratiam apud illum iniret. Quamquam Pilatus ex hoc redierit cum Herode in gratiam, non possum tamen eum excusare, quoniam ex Legibus romanis reus est cognoscendus a Praefide ejus provinciae in qua peccavit: *Non est dubium, inquit Celsus (1), quin cujuscumque est provinciae homo, qui ex custodia producitur, cognoscere debeat is, qui ei provinciae praest, in qua provincia agitur.* Sunt qui in hac re Pilati causam suscipiunt, eumque tuentur ea ratione quod solebant Praefides remittere cum elogio reum ad Praefidem provinciae, unde is erat, ut satis innuunt ejusdem Celsi verba, quae sequuntur, *Illud a quibusdam observari solet, ut quum cognovit, et constituit, remittat illum cum elogio ad eum qui provinciae praest, unde is homo est, quod ex causa faciendum est.*

C. 2.

Sed

(1) L. 11. de custod. reor.

Sed istis Pilati defensoribus subscribere recus-
so, quod is Christum ad Herodem non re-
misit cum elogio postquam cognoverit, et
sententiam dixerit, nec remisit ex causa,
uti exposulabat ratio illius specialis consue-
tudinis, quam meminit Celsus, quamque in-
ter se quidam Praesides in Romanis pro-
vinciis, non autem cum exterarum pro-
vinciarum Rectoribus, qualis erat Herodes,
servabant. Ex sententia Pilati, qualis qua-
lis ea sit, Christus ducitur ad Herodem,
qui quum intelligeret Christum non esse in ea
causa ut posset regnum adfectare, licet de
ea re constanter a Senatu Judaico accusare-
tur, eum iterum ad Pilatum quasi Candida-
tum Imperii remisit per ludibrium veste al-
ba indutum (1). Quum Pilatus praeter suam
expectationem viderit se denuo constitutum
Judicem in causa Christi non audens inno-
centem damnare, ad totum populum Judai-
cum,

(1) *Erat color albus Regum insigne; hinc Pom-
pejo candidam fasciam in suspicionem imperii objectam
fuisse legimus apud Valerium Maximum VI. 2. 7. Cui
candida fascia cras adligatum habenti, Favonius,
non refert, inquit, qua in parte corporis sit diade-
ma: exigui panni cavillatione regias ejus vires ex-
probrans.*

cum, quem convocaverat, ita concionatur: *Obrulistis mihi hominem istum, tanquam avertentem populum: et ecce ego coram vobis interrogans nullam causam invenio in homine isto ex his, in quibus eum accusatis; sed neque Herodes, nam remisit vos ad illum, et ecce nihil dignum morte actum est ei; emendatum ergo illum dimittam* (1). Sperabat Pilatus ex hac concione Judaeos a calumnia desistere, contentosque esse Christum castigatum dimitti; sed eum spes fefellit; nam Judeos, apud quos erat consuetudine inductum (2) in Paschate ex vinculis solvere reum, quem optabant, interrogans num Christum, an alium facinorosum hominem, cujus nomen erat Barabbas, solutum vellent, conclamantes hunc sibi dimitti, illum vero omnino perdendum responderunt. Duplicuit responsio isthaec Pilato, qui volens Christum dimittere et iterum, et tertium populum Judaicum alloquitur promens semper Christi inno-

(1) *Luca Cap. XIII. v. 14.*

(2) *Illius consuetudinis originem alii ab Hebraeis, a Romanis alii repetunt. Mihi placet in priorem sententiam inclinare, ob illa Pilati Hebraeos adloquentis verba a Joanne Cap. XVIII. v. 39. relata. Est autem VOBIS consuetudo.*

innocentiam, nunc illa formula, *Nullum crimen in eo inveni*; nunc illa, *Quid mali fecit*. Sed populus Judaicus, qui bene noverat sanctos Christi mores, quique poterat deponere eum calumniose infectari, Pilati dictis non adquiescens; imo magis animo exasperatus obnixè petebat eum in crucem tolli. Ad sedandum concitatum populum satius duxit Pilatus servata Judaica consuetudine Barabbam dimittere, et Christum flagellis tradere. At quo juris principio id fecit Pilatus plane ignoro. Quidam ajunt Pilatum daturum Christum morti prius flagellis caedi jussisse romano more, quo flagellatio supplicium crucis, ut fida comes praeiret (1): idque innuere videtur Matthaeus illis verbis (2), *Jesum autem flagellatum tradidit, ut crucifigeretur*. Sed huic sententiae adhaerere non placet; nam si Pilatus flagellis tradidisset Christum crucifigendum, in eum utique pro tribunali sedens sententiam tulisset: qua lata non amplius opus erat nec Judaeis eadem et nova crimina, veluti Christum se dixisse *filium Dei*, ac

Caesari

(1) Omnes verberibus adfectos sub ipsis radicibus petrae, crucibus jussit affigi. *Curt. VII. II. 28.*

(2) *Cap. XXVII. v. 26.*

Caesari contradicere magnis anithis promere; nec Pilato prius quaerere modum dimittendi Christum, et deinde eum pro tribunali damnare; quum satis compertum sit in jure (1) non posse Magistratum sententiam revocare, nec damnato poenae gratiam facere. Quidam Lucam (2) sequentes docent Pilatum flagellis verberasse Christum, ut castigatum dimitteret. Quamquam hanc fuisse mentem Pilati aperte ex eo pateat quod flagellationem de plano irrogavit, tamen non video qua ratione potuit induci ad castigandum quem saepius innocentem pronunciavit. Num castigavit, ut populo satisfaceret? Id. quidem in mentem venit Merillio (3). Sed si hic meminisset, quod Ulpianus tradit (4), *Non oportere aliquem opprimi per adversarii sui potentiam*, utique in ea non fuisset opinio. Num, quod propter eum tot turbae fuerint in Hierosolymis excitatae? Hoc mihi verosimilius videtur: innixus forte Pilatus consuetudini, qua turbulenti juvenes, nihil aliud admittentes fustibus castigari solebant, ut

(1) L. 1. §. 27. de quaest.

(2) Cap. XXIII. v. 16.

(3) In Not. philolog. ad Joan. cap. XIX.

(4) L. 9. §. 5. de offic. Procos.

ut tradit Callistratus (1) in haec verba, *Solent quidam, qui vulgo se juvenes appellant in quibusdam civitatibus turbulentibus se adclamationibus popularium adcommodare, qui si amplius nihil admiserint, nec ante sint a Praeside admoniti, fustibus caesi dimittuntur.* At si Pilatus voluisset illa consuetudine uti, oportebat fustes adhibere in Christum liberum sane hominem, non autem flagella, quae erant servilia verbera, ut docet Macer (2): *In servorum persona, inquit Jurisconsultus, ita observatur, ut exemplo humiliorum puniantur, et ex quibus caussis liber fustibus caeditur, ex his servus flagellis caedi, et domino reddi jubetur.* Pilato igitur obtemperantes milites, sive speculatores, qui non aliud exercebant munus, nisi de damnatis supplicia fumere (3), Christum in Praetorium

(1) L. 28. §. 3. de poen.

(2) L. 10. pr. de poen.

(3) Speculatores erant milites ad hoc praecipue instituti, ut silentio hostilia perspicerent, et in damnatos lege agerent: Sane Herodes, ut divus Marcus testatur Cap. III., v. 27., Speculatorem misit, qui decollaret Joannem in carcere; et Servilius Orho, ut refert Suetonius in Galb. Cap. V., Galbae necem quinque speculatoribus commisit.

rium ducunt, ibique vestibus exutum, ut illa sollemnis formula monet, *Submove lictor, despolia* (1), sub voce praeconis (2) universa cohorte circumstante flagellarunt, et flagellarunt quidem columnae de more adligatum. Erat enim apud Romanos in more positum, ut rei, non in ipsa deductione ad supplicii locum, sed vel domi, vel in Praetorio flagellis caedendi vincerentur plerumque columnae (3). Quæri solere me non praeterit num omnes speculatores de Christo supplicium sumserunt: quaeritur etiam de numero ictuum. Verum qui sapiunt, fatentur virgatores de more octo fuisse (4); numerum autem ictuum incertum, quum apud Romanos flagellatio pro qualitate admissi, et con-

D

di-

(1) Senec. *Lib. V. Controv. cap. 35.*

(2) Sectus flagellis hic triumphalibus

Praeconis ad fastidium. *Horst. Epod. IV. II. Ita servabatur Romae; sed in provinciis stante pro Tribunali Praefide, non autem in conspectu Triumvirum in reos animaduersabatur. Vid. Fabr. Semester. Lib. II. cap. 10.*

(3) *Vid. Pitisc. Lexic. v. Flagellatio.*

(4) Ubi causam saepe dixeris pendens adversus octo Altissimos audaces viros valentes virgatores. *Plaut. in Asinar. III. 3. 19.*

ditione personae irrogabatur. His peractis milites non iubente Pilato, et forte a Iudaico Senatu pretio corrupti addendo immanitati ludibrium componunt Christum in formam Regis, eumque primum induunt, teste Matthaeo (1), chlamyde coccinea (2) uni ex iisdem militibus certe detracta, quam Marcus, et Joannes (3) a similitudine coloris absolute purpuram (4) dicunt; et deinde posita

(1) Cap. XXVIII. v. 28.

(2) Erat chlamis vestis militaris, quae una parte induitur, neque consuitur; sed fibula infrenatur. Isidor. Orig. Lib. XIX. cap. 24. Fuisse chlamyde coccinea usos ipsos Imperatores, & praecipue Alexandrum Severum testatur Lampridius in ejus vita cap. 40.

(3) Cap. XV. v. 20., et Cap. XIX. v. 2.

(4) Purpureus color differt quidem a coccineo; nam ille instar est nigricantis rosae; hic veromicans rosae: hinc recte Ulpianus in L. 70. §. 13. de legat. 3. negat purpurae appellatione coccum contineri. Erat olim purpura matronarum habitus, ut ex Valerio Maximo Lib. II. cap. 1., & Servio III. Aeneid. constat. At postea teste Svetonio Julius Caesar usum purpurae, nisi certis personis, & aetatibus; & per certos dies ademit. Sed Nero prorsus sustulit, ut idem Svetonius refert. Neronis exemplum sequuti sunt caeteri deinceps Imperatores usque ad Aurelianum, qui iterum matronis purpuram permisit. Vid. Vopiscum in Aurel. cap. 46.

sita in ejus dextera tanquam scepro arundine, capiti coronam imponunt spineam compactam ex rhamno in Hierosolymis obvio (1). Christo ita composito milites impositam coronam arundine plectentes, ac in ejus faciem sputa, et alapas (2) impingentes eum in genua provoluti salutabant illa formula *Ave Rex Judaeorum* (3). Haec omnia, quae erant severissime punienda in licentiosos milites reos quidem Legis Juliae de vi publica, teste Ulpiano (4), qui inquit, *Hac Lege teneri, qui convocatis hominibus vim*

D 2

fe

(1) Inter genera ruborum rhamnos appellatur a Graecis, candidior, & fruticosior. Is floret ramos spargens rectis aculeis, non, ut caeteri, aduncis, foliis majoribus. *Plin. Lib. XXIV. cap. 14.*

(2) Non contenta mulier tam gravi injuria mea, convocat omnes quasillarias, familiaeque sordidissimam partem, ac me conspui jubet. Oppono ego manus oculis meis, nullisque precibus effusis, quia sciebam quid meruissem, verberibus sputisque extra januam ejectus sum. *Petron. in Satyr. cap. 92.*

(3) *Romani salutabant Imperatores illa formula Ave Caesar. Ita Pfiscus apud Martialem Lib. IV.*

Hoc didici per me dicere, Caesar ave. Interdum addebant nomen Imperatoris, unde ille cervus apud Macrobiū Saturn. Lib. II. cap. 4. ita Augustum salutabat, *Ave Caesar, Victor, Imperator.*

(4) *L. 10. §. 1. ad L. Jul. de vi publ.* (.)

fecerit quo quis verberetur, et pulsetur, Pilatus negligens e Praetorio egreditur, et quasi redditurus populo Judaico rationem ejus quod debebat ex suo officio facere, secum ducit Christum eo modo, quo milites efformaverint, eumque primum, quod saepe alias fecerat palam profitetur innocentem, et deinde omnibus, quasi singulos admonens, indicat illis verbis, *Ecce homo*, idest ecce quem majestatis, seditionisque reum accusatis? Ecce in eam causam radactum, a quo certe metuendum non est, ne quid de Romani imperii potestate decedat? At Senatus Judaicus ejusque ministri tali spectaculo, quod ferocissimos quidem ad misericordiam provocaret, nihil commoti, quanquam flagitarent, ut Christus cruci traderetur, non aliud tamen a Pilato impetrarunt, nisi responsum posse Judaicum Senatum per se crucifigere. Videns Senatus objecta crimina majestatis seditionisque nihil sibi profuisse, quo Christus damneretur, alio confugit, et suam Legem expromens ajebat eum, quod se filium Dei fecit, omnino debere secundum Legem mori (1). Audiens haec Pilatus *magis timuit*. Timoris Pilati causa duplex potuit esse; aut enim quod

(1) *Joann. Cap. XIX. v. 7.*

quod Christum, quem cupiebat propter ejus innocentiam dimittere, non damnando ex lege coram se recitata, timebat incidere in Legem Corneliam de falsis, ut Paulus docet his verbis (1), *Juden, qui contra sacras Principum constitutiones, contrave jus publicum, quod apud se recitatum est, pronunciat, in insulam deportatur*: aut quod imbutus opinione gentilium existimantium inter mortales convivere quosdam ex Diis genitos (2), verebatur ne damnando Christum, qui se filium Dei profitebatur, provocaret in se iram Deorum. Hanc fuisse causam cur Pilatus timuit, sat probant ejusdem et cura Praetorium ingrediendi, et sollicitudo perscrutandi ejus genus illa interrogatione *Unde es*; et] quum Christus non responderit interrogatis, Pilatus ut ex ore ejus responsionem eliceret, quo posset conceptum metum amovere, non solum eum quasi magistratus contemptorem de silentio redarguit illis verbis *mihi non loqueris*; sed et suam minaciter objectat potestatem absolvendi, et crucifigendi (3). Hujusmodi minis non conterritus Chri-

(1) *Lib. V. Sent. Tit. 25. §. 4.*

(2) *Cicer. Lib. I. de Divinat. cap. 1.*

(3) Qui damnare potest, is absolvendi quoque potestatem habet. *Paul. L. 3. de re jud.*

Christus ut suum genus proderet, Pilato in haec verba respondit (1); *Non haberes potestatem ullam adversus me, nisi tibi datum esset desuper; propterea qui me tradidit tibi majus peccatum habet*. Responsio isthaec, quae divinum Christi genus quodammodo proferebat, adeo exagitatum Pilati animum percussit, ut modum quaereret eum dimittendi. Dum Pilatus haec recogitat, Judaei ut eum a proposito averterent, desertam majestatis accusationem restaurantes, si illum dimitteret, non modo suo officio, sed et Caesaris amicitiae defuturum conclamarunt (2). Hisce Judaeorum conclamationibus non removetur quidem Pilatus a suo proposito; imo ut id facile adsequeretur, iterum Christum extra Praetorium ductum populo indicat illis verbis *Ecce Rex vester*, quasi diceret, ut opinatur Theophylactus (3), *Ecce qualem hominem dicitis attentasse invadere regnum, vilem scilicet, et nihil tale attentare audentem, et ita accu-*

(1) Joannes Cap. XIX. V. II

(2) Judei Pilatum Amicum Caesaris dixere de more Imperatorum, qui Magistratus selebant Amicos appellare, uti patet ex Leg. ult. de offic. praesid., & Inq. C. de jur. & fact. ignor. super verbo inq. ()

(3) In Comm. ad h. loc. h. l. l. sed et in hac;

satio vestra falsa est . . . quae utilitas si hunc occideritis hominem, qui ne in minimo quidam nocere poterit. At Judaeos, qui Christi odio flagrantés instantér flagitabant, ut cruci suffigeretur, conatur Pilatus ad suam sententiam revocare, objectando eis, illa interrogatione Regem vestrum crucifigam? infamiam, quam certe subirent apud alias nationes, si eorum petitioni tribueretur (1). Pilati interrogationi Pontifices maximi, qui solebant dicere non habemus Regem nisi Deum (2), quo infamiae notam effugerent, quoque Christum perderent, constanter reponunt non alium Regem se habere nisi Caesarem. Videns Pilatus se non posse populum sedare, ejusque tumultum tunc temporis majorem fieri, etsi monitus per nuncium (3) missum ab

(1) *Vid. Gosf. in Pilat. judic., et Byn. in Lib. II. de morte Jes. Chr. cap. 4. n. 47.*

(2) *Grot. ad Joann. XIX. 15.*

(3) *Quum Matthaeus scribit cap. 27. n. 19. Sedente autem eo in Tribunali, misit ad eum uxor ejus dicens, Nihil tibi cum Justo illo, quidam putant Christi causam fuisse cognitam in Tribunali tuo Praetorium posito, nam si Tribunal in ipso Praetorio ponatur, inutile quidem fuisset uxori Pilati ei nuncium mittere, quum ipsa per se facile potuisset verum monere. At quoniam Pilati Praetorium amplum erat*

ab uxore Claudia Proculā (1) ne se amplius ingereret cum *Iusto* illo tamen, ne coram Tiberio (2), sub quo vel minima quaedam in crimen majestatis veniebant, proditionis insimularetur, quod seditiosis turbulentisque hominibus faveret, non dubitavit, oblitus Legis (3), qua monebatur, non debere Praesidem quidquam honori postulantium tribuere, Judaeorum libidini indulgere, et postquam inter manus lotionem, quae erat sane symbolum animi sui sententiae receptis-

erat, bene poterat Tribunal in aliqua parte Praetorii esse, & Pilatum nuncium accipere ab uxore in alia parte ejusdem Praetorii commorante. Accedit, quod Pilato Christi causam cognoscenti uxor non poterat jure praesto esse, nec Tribunali accedere.

(1) Proficisci autem Proconsulem, inquit Ulpianus L. 4. §. 2. de Offic. procos., melius quidem est sine uxore; sed et cum uxore potest, dummodo sciat Senatum, Cotta, et Mesalla Consulibus, censuisse futurum, ut si quid uxores eorum, qui ad officia proficiscuntur, deliquerint, ab ipsis ratio, et vindicta exigatur.

(2) Sub Tiberio addito majestatis crimine; quod tum omnium accusationum complementum erat. Tacit. Lib. III. Ann. cap. 38.

(3) L. 9. §. 4. de offic. procos.

ptissimum apud Judaeos (1), atque Romanos (2),
luculentissimum praeberit de Christi inno-
centia testimonium illis verbis, *Innoeens*
ego sum a sanguine Justī hujus, sedit pro
tribunali (3), et non dato ei Advocato, quem
vel non petenti dari oportebat, ut Ulpianus
monet (4), talem sententiam dixit: *Videtur*

E

(1) Chri-

(1) *Scribit Vossius in Harm. Evangel. Lib. II. cap. 5.* Pilatum in hoc morem sequutum fuisse Ju-
daeorum. Nam *Deteron. XXI. 6.* legere est, Judi-
ces reum condemnatos abluisse manus ad testan-
dam innocentiam.

(2) *De more Romanorum ita Virgilius Lib. II. Aeneid.*

Me bello e tanto digressum et caede recenti
Attrectare nefas, donec me flumine vivo
Abluero.

(3) *Sedere Judicem debere quum sententiam dicit*
satis testantur praeter alios Cicero pro Rabir. cap. 17.,
et Plinius Epistol. Lib. IV. epist. 33. : et hinc est
ut dies, quibus Praetor pro Tribunali sedens cognosce-
bat, Sessiones dicerentur, L. 2. §. 1. Quis ord. in
possess. Ratio autem cur sedeant, Judices, ni fallor,
redditur Plauto in Mostellar., ubi Tranio servus in
ara sedens quum sollicitaretur a Teuropida ut surgeret
consilium daturus respondit,

Sic tamen hinc consilium dedero,

Nimio plus sapio sedens.

(4) *d. L. 9. §. 5.*

(1) *Christum regnum adfectasse, atque eo nomine cruci suffigendum*. Fuit haec sententia adeo iniqua, ut nihil supra; nam si iudiciorum ordinem spectes, quoniam libelli inscriptionum legitime ordinati non fuerant, Christi nomen, ut tradit Paulus (2), erat omnino abolendum. Sin vero spectes Christi personam omnibus indigentem, ac proinde nihil potuisse facere, nec aliquid fecisse, quo regnum adfectaret, erat quidem dimittendus ex sententia Pauli, et Modestini. Scribit Paulus (3), *In reum majestatis inquiri prius convenit, quibus opibus, qua factione, quibus auctoribus hoc fecerit; tanti enim criminis reus non obtentu adulationis alicujus, sed ipseus admissi causa puniendus est*. Scribit Modestinus (4), *Hoc crimen majestatis a Judicibus non in occasionem ob Principis Majestatis venerationem habendum est; sed in veritate, nam et persona spectanda est an potuerit facere, et an ante quid fecerit,*
et

(1) Patravisse videri pronunciat Magistratus quum de consilii sententia aliquem capitis condemnaturus est. *Festus*

(2) L. 3. §. 1. de accusat.

(3) Lib. V. Sent. Tit. XXIX. §. 2.

(4) L. 7. §. 3. ad L. Jul. majest.

et an cogitaverit. Denique si criminis poenam spectes, Christum invita omni jurisprudentia seditionis damnatum, non cruce, sed, ut testatur Paulus, deportatione, quae erat poena seditiosorum honestiorum, adfici oportebat a Pilato, qui dubitans de ejus divino genere certe sciebat plebejum non esse. Verba Pauli haec sunt (1), *Auctores seditionis, et tumultus, vel concitatores populi pro qualitate personae aut in crucem tolluntur, aut bestis objiciuntur, aut in insulam deportantur.* Pilati iniquitas ulterius processit, nam statim post sententiam illa formula *Lictor despolia, verbera, et infelici arbori suspendito* (2) Christum tradidit crucifigendum contra Senatusconsultum sub Tiberio factum, quo cavebatur, *ne decreta Patrum*; ut Taciti verba usurpem (3), *ante diem decimum ad aerarium deferrentur, idque vitae spatium damnatis prorogaretur.* Scio Pilatum in hac parte a plerisque optimis interpretibus defendi, qui innixi auctoritate Ulpiani, et Modestini contendunt Senatusconsultum, non pertinuisse ad seditiosos, et famulos latrones,

(1) *Lib. V. Sent. Tit. XXII. pr.*

(2) *Liv. Lib. 1. cap. 26.*

(3) *Lib. III. Ann. cap. 51.*

nes, qui statim extra ordinem puniebantur. Non inficior Ulpianum, et Modestinum id docere, et tamen Pilati defensoribus non favent; nam originem juris, quo cum seditiosis, et famosis latronibus coepit ita severissime agi, longe, et recenter ab aetate Tiberii repetunt: et Ulpianus quidem ab Oratione Divi Marci; Modestinus vero a Constitutionibus Imperatorum, ut eorum verba, quae placet describere, luculenter ostendunt: Nam, inquit Ulpianus (1) *(ut est oratione Divi Marci expressum)*, tamen si provocantis, vel ejus pro quo provocatur, appellatio non fuerit recepta, poena tamen sustinenda est quoad Princeps rescripserit ad literas Praesidis, et libellum rei cum literis missum: nisi forte latro manifestus, vel seditio praerupta, factioque cruenta, vel alia justa causa, quam mox Praeses literis excusavit, moram non recipiant; non poenae festinatione, sed praeveniendi periculi causa; tunc enim punire permittitur, deinde scribere. Verba Modestini sunt (2), Constitutiones, quae de recipiendis, nec non appellationibus loquuntur, ut nihil novi fiat, locum

non

(1) L. 6. §. 9. de injust. rupt. test.

(2) L. 16. de appellat.

non habent in eorum persona, quos damnatos statim puniri publice interest, ut sunt insignes latrones, vel seditionum concitatores, vel duces factionum. Praesentio posse aliquem pro Pilato dicere constitutiones Imperatorum, quarum meminit Modestinus, fuisse constitutiones Augusti, vel saltem ipsius Tiberii, qui sane Imperatores fuerunt, ac proinde Pilatum secundum jus suorum temporum Christo dampnato vitam non prorogasse. At qui ita sentit, si scierit aetate Augusti leges per populum de veteri more latas, Tiberium autem, et sequentes Imperatores usque ad Hadrianum, qui primus per se jura dedit, leges tulisse per Senatum, desineret quidem ineptire (1). Jussu Pilati exequentes milites Christum detracta clamyde, et propriis vestibus indutum ac crucem de more (2) ferentem e Praetorio ducunt
cru-

(1) *Vide historiam juris suis Institutionibus repetitae praelectionis praefixam a clarissimo viro Praeceptore meo Josepho Cyrillo malo jurisprudentiae fato nuper defuncto.*

(2) *Et corpore quidem quisque maleficorum suam effert crucem, Plutarch. de ser. num. vind. Ex quo infertur falsam esse opinionem existimationum Christum anteriorem, et Cyrenaeum posteriorem crucis partem gestasse.*

crucifigendum extra Hierosolymas (1) ad Cas-
 variae locum, ita dictum, vel quod inibi ca-
 pita reorum detruncari solebant (2), vel quod
 capitibus punitorum plenus erat (3): et quum
 illhuc pervenerint eum servato romano mo-
 re (4) verberibus caedere debebant; verum
 contenti flagellatione jam adhibita, ut-
 pote ea quae symbolice poterat praefesferre
 vicem necessariae verberationis a cruciariis
 omnino sustinendae, Christum omnibus ve-
 stibus exutum, nudumque (5) immissae (6)
 cru-

*flasse. Fateor Lucam Cap. XXIII. v. 26. tradere
 Cyrenaeum crucem portasse post Jesum; sed his ver-
 bis non aliud indigitat Evangelista nisi Cyrenaeum
 sequutum fuisse Christum pauperem.*

(1) *Extra Urbem Romani supplicia, de damnatis
 sumebant, et quidem in celeberrimis viis, ubi plurimi
 intueri, ac commoveri potuissent. Mamertini more, at-
 que instituto crucem fixerunt in via Pompeja. Cicero
 Lib. V. in Verr. cap. 79.*

(2) *Gerard. Voss. in Harm. Evangel. Lib. II. cap. 6.*

(3) *Desider. Erasmi in Matth. cap. 27.*

(4) *Lipsius Lib. II. de Cruc. cap. 4.*

(5) *Crucifigi bonum pauperi, quia sublimis est
 crucifixus; noxium vero diviti, quia nudi crucifigun-
 tur. Artemidor. Lib. II. cap. 38.*

(6) *Crux triplicis generis fuit, altera oras decussata,
 in*

39

cruci, et in solo defixae nullis adhibitis scalis (1), sed impositum in staculo, quod erat in medio stipitis arrectarii (2) suffi-
gunt, adigendo primum in transverso li-
gno singulis manibus a dextera ad sinistram,
et deinde in erecto stipite singulis pedibus
co-

*in qua duo ligna directæ et æquabilia inter se obli-
quantur et præseferbat formam literæ X, quæ, uti
loquitur Isidorus Lib. I. Orig. cap. 3., et in figura
crucem, et in numero decem demonstrat. Altera di-
cebatur commissa, quæ lignum transversum superne ita
habebat, ut nihil superesset, repræsentabatque formam
literæ T. Tertia vero erat immissa, quæ a commis-
sa in eo distabat, quod rectus stipes e transverso ali-
quantulum emineret. Huic cruci fuisse Christum suffi-
xum sat probat impositus a militibus supra ejus jam-
suffixi caput Titulus supplicii, de quo inferius.*

(1) Lipsium, qui in Not. ad Lib. II. de Cruc.
cap. 8. scalas erectæ cruci adpositas contendit ad suffi-
gandos damnatos, satis refellunt, et omnis ævi Scri-
ptores, qui de supplicio crucis agentes, nusquam sca-
las meminerint, et Ephesinae mulieris exemplum, quæ
noctu sine scalis non solum cruciarum corpus de cruce
deponit, sed et mariti reponit. Vid. Samas. in Epistol.
de cruc.

(2) Ipse habitus crucis hinc, et summitates ha-
bet quinque: duos in longitudine, et duos in lati-
tudine, et unum in medio, ubi requiescit qui cla-
vis affigitur. *Ivan, Lib. II. adu. hæc. cap. 42. Vide
Pitisc. in Lex. antiquit. rom. v. staculum.*

codem ordine singulos clavos (1). Post haec milites imponunt cruci supra Christi caput Titulum (2) damnationis, et inflicti supplicii causam continentem hebraice, grece, et latine, ut omnibus innotesceret, a Pilato scriptum in hunc modum; *Jesus Nazarenus Rex Judaeorum*. Scripsit forte Pilatus Titulum eodem tempore, quo sententiam tulit. Sed hanc solo latino sermone scripsisse monet romani Imperii dignitas, quae in sententiis dicendis non aliam linguam patiebatur, ut aperte in haec verba docet Trypho-
 ninus (3), *Decreta a Praetoribus latine interponi debent*. Judaei autem Titulum legentes, quum intellexissent jam subire apud alias nationes infamiam eis a Pilato exprobra-

(1) Sed praebe dexteram: Tu autem Vulcane adstringe, et confige, et malleum fortiter demitte. Da et alteram, quo illa etiam recte detineatur. *Lucian. in Dialog. ubi Prometheus fingitur.*

(2) Ex more Romano Titulum interdum adponi damnatis locupletissimus testis est *Svetonius in Caligul. cap. 31. & in Domitian. cap. 10.* Sed & interdum sub pracone causam damnationis superdicente poenas exigi tradit his verbis *Ulpianus in L. 13. §. 6. de jurejur.* Imperator noster cum patre rescriptis fustibus eum castigandum dimittere, & ita ei superdici, **PETULANTER NE JURATO.**

(3) *L. 48. de re judicat.*

bratam, cum adierunt, ut Titulum mutaret. Sed Pilatus, qui erat, teste Philone Judaeo (1), vir durus, et pervicax, noluit quidquam immutare, quamquam jure posset, nam, ut Hermogeniani verba usurpem (2), *Judici actorum verba emendare, tenore sententiae perseverante, non est prohibitum*. Ulterius milites Christi pannicularia (3) jure suo vindicantes, quum quatuor essent, et non ultra, ejus vestes in quatuor partes sibi dividunt; tunicam vero, quae erat individua, ne dividendo perderent, fortiuntur,

F

tur,

(1) *De Legat. ad Gajum.*

(2) *L. 46. eod.*

(3) *Pannicularia fuisse spolia, quibus erat indutus damnatus quum ad supplicium ducebatur, eaque jure proprio ad speculatores pertinuisse, non autem ad carceris custodes, qui Optiones dicebantur, aperte patet ex Hadriani rescripto in haec verba ab Ulpiano relato in L. 6. de bon. damnat. Pannicularia sunt ea, quae in custodiam receptus secum attulit, spolia, quibus indutus est quum quis ad supplicium ducitur, ut et ipsa appellatio ostendit: Ita neque speculatores ultra (Sed Merillius Lib. III. Observ. Cap. I. mavult legi ultra, ea ratione quod speculatores praeter pannicularia nihil sibi poterant sumere de bonis damnatorum) sibi vindicent; neque Optiones ea desiderent, quibus spoliatur, quo momento quis punitus est, quia ad speculatores pertinent.*

tur, et ut ex auctoritate Virgilii (1) opinatur Merillius (2), jactis nominibus more militari in galeam, non autem in urnam, quod praesto esse non poterat. Porro milites duo ex iis, qui Christum custodiebant, ne quis mortuum ex cruce, quae ei sepulchrum futura erat (3), detraheret; quum clamaret illo verbo *Sitis*, ei bibendum porrigunt acetum, quo erat plenum vas ibi positum, et alter porrigit, teste Joanne (4), spongia hyssopo imposita; alter vero arundini, ut habet Matthaeus (5): Ita enim belle in concordiam discrepantes Evangelistae reducuntur (6). At qui potuerunt esse in Calvariae loco acetum, et spongia, ut praesto, et commode potuisset Christo poculum praebere? Acetum, quod erat militaris potus

(1) *Lib. V. Aeneid. vers. 496.*

dejectamque aerea sortem

Accepit galea

(2) *In Not. ad Joann. Cap. XIX v. 24.*

(3) Scito crucem mihi futuram sepulchrum. Ibi mei majores sunt siti, pater, avus, proavus, abavus. *Plaut. Milit. glorios. II. 4. 19.*

(4) *Cap. XIX. v. 29.*

(5) *Cap. XXVII. v. 48.*

(6) *Vid. Salmas. in Epistol. de Cruc.*

tus (1), milites custodes, incerti temporis, quo ibi essent mansuri, secum quidem tulerunt ad bibendum; spongiam vero, quo se abstergerent a sanguine impetu adeo maximo ex venis cruciariorum erumpente, ut vestes, manus, et facies eorum cruentarentur (2). Huc usque dicta festinanter peraguntur, et pridie quidem Sabbati, quod maximum erat apud Judaeos Festum; sed quoniam ejus diei religio non sinebat damnatorum adhuc viventium corpora ex cruce pendere, satis duxit Judaeus Senatus, qui Christum non dum mortuum credebat, ad ejus fatum properandum, rogare Pilatum ut milites mitteret ad ejus crura confringenda (3), quo posset mortuus

F 2

de-

(1) Jussit vinum in expeditione neminem bibere, sed aceto universos esse contentos. *Spartian. in Pescenn. Nigr.*

(2) Spongia, verba sunt Stephani Moyne in *Not., et Obser. ad var. sacr.*, ut sanguis abstergeretur, quum carnifices clavos manibus, et pedibus infingerent, parata erat; nam aliquando sanguis ex venis ruptis et finis tanto impetu ejaculabatur, et erumpebat, ut vultus, et vestes, et manus licitorum statim cruentarentur, et spongia sanguis deleri, et removeri deberet.

(3) *Crurifragium*, sive, ut loquitur *Apulejus Lib.*

deponi. Judaeorum petitioni tribuit Pilatus; sed milites qui ad Christum pervenerunt, uti loquitur Joannes (1), quum eum mortuum invenerint, supervacaneum duxerunt mandata exequi, et tantum Centurio lancea, quae proprium erat armorum genus, quod speculatores gestabant (2), Christi latus aperuit, quo, si aliquis vitae spiritus superesset, omnino deficeret. Mortuo Christo, ejus corpus Josepho Arimathaeo, qui Decurio erat,

Lib. IX. de Asin., crurum fragium non sustinebant cruciarii; erat enim poena a cruce diversa, et peculiaris servorum. Sveton. in Aug. cap. 67., et in Tib. cap. 44. Sed et in liberos homines fuisse irrogatam patet exemplo Marii Gaditani, cujus, ut Seneca testatur Lib. III. de Ir. cap. 18., perfringi crura, erui oculos, amputari manus jussit L. Cornelius Sylla. Nec obstat, quod sacra historia tradit milites confregisse crura latronum a lateribus Christi ex cruce pendentium; nam Judaei ad custodiendam eorum legem, quae Deutor. cap. 21. jubebat, suspendiosos eodem die, quo de eis supplicium sumebatur, sepeliri, solebant ad festinandam mortem diutius viventium; eorum crura perfringere. Vid. Lips. Lib. II. de Cruc. cap. 14.

(1) d. Cap. XIX. v. 32.

(2) Neque convivia inire ausus est, nisi ut speculatores cum lanceis circumstarent. Sveton. in Claud. Cap. XXV.

45

erāt , ad sepulturam petenti concessit Pilatus : et ut verum fatear , nescio quam Legem sequutus id fecit . Num quod damnatorum corpora quibuslibet petentibus erant danda ad sepulturam , ut Paulus (1) docet ? Id quibusdam videtur . At qui potest in hanc sententiam descendere serio perpendens Christum fuisse , ut reum majestatis , damnatum , ac proinde debuisse , teste Tacito (2) , sepultura carere . Num quod Christus fuit extra ordinem summo supplicio adfectus sepultura non prohibebatur ? Hoc mihi in mentem venit : innixo exemplo Lentuli aliorumque Catilinae conjurationis sociorum , qui , ut refert Plutarchus (3) , in carcere necati , iustae sepulturae fuerunt traditi ; sed quoniam non , ut in Christum , ita in Catilinos conjuratos dicta sententia fuit , isthaec opinio animo non infedit . Num voluit Pilatus humanitatis rationem habere ? Ita quidem mihi videtur ; sed et cum in hac re Romanas leges neglexisse constanter adfirmo : nec moror quod a quibusdam dici solet , Pilatum servasse Hebrae-

(1) *L. 3. de cadav. punir.*

(2) *Lib. VI. Ann. cap. 29.*

(3) *Plutarch. in Anton.*

braeorum jus, quo cavebatur, ut suspensioſi eodem die ſepelirentur; nam Procuratorem Caefaris non alias, quam Leges romanas cuſtodire oportebat. Reſtat expendere in quam Legem commiſit Pilatus, qui tam inique ſe geſſit in cauſſa Chriſti. Quod non coercuit Senatum Judaicum, ejuſque Pontifices populi concitatores, ac proinde reos ſeditionis (1): quodque milites ob vim Chriſto, variis modis illatam non ſubjecit poenae Legis Juliae de Vi publica (2), commiſit quidem in Legem Corneliam de Faliſis, uti Marſcianus hiſ verbis teſtatur (3); *Sed et iſi Juden conſtitutiones Principum neglexerit, punitur.* Quod Chriſtum ſummo ſupplicio damnavit aliter quam erat Legibus permiſſum, incidit in Legem Corneliam de Sicariis, ut tradit Ulpianus (4). *Lege Cornelia de Sicariis tenetur, inquit Jurifconſultus, qui quum in Magiſtratu eſt, eorum quid fecerit contra hominis necem, quod Legibus permiſſum non ſit.* Sed quod

(1) *Paul. Lib. V. ſent. Tit. XXII.*

(2) *L. 10. §. 1. ad L. Jul. de vi publ.*

(3) *L. 1. §. 3. ad L. Corn. de falſ.*

(4) *L. 4. pr. ad L. Corn. de ſic.*